

太乙舟詩集

太乙舟詩集卷十一

新城陳石士甫著

三男蘭第  
從姪孫夔接拜

歡好曲

爲譚退之姪人劉珊瑚作

窈窕上谷文容艷生光輝問年指明月纔及三五時

儂歎有故人斛珠爲料理故人識歡心畬蓮贈儂字

媞步東廂下姍姍態自妍留仙誰所畫裳纓得歡憐

高鬟臨鏡就纔得並歡肩歡情長於影願歡享高年

間夜早朝時衣篝香細度侍歡讀道書研朱和曉露

歡情藕有絲歡意蓮有實儂與歡同心底將花比色

擬司馬溫公今古路行

古路循康莊今路歌夷庚今路卽古路萬世遵蕩平

讀山谷詩偶題

愛讀山谷詩爲其情最厚四始六義中宗派重江右

題李蘭卿湖淮紀遊圖

陳登不可作仁矣循堤心所事難于古勤勞殫自今

高堤  
堤行

平世不忘武謀國等謀身龍虎歸調揖還丹駢好春

老山  
晚晴

淮流今入江孟子乃不誤生壁處祈報尋源得其故

淮清  
尋源

穿肋亦廝渠通漕有成法殷勤訪古心山登而川涉

龜山  
訪古

翠微連傑閣松徑與梯嵐俛臨波萬頃莫辨來時帆

船胎  
看山

欲携龍井茗去試玻璃泉因君夢武夷擬賦幔亭

余使  
以

未遊武夷爲憾

碧泉品茗

廣利開仙宴

頗聞羣仙宴廣利雲  
汀刺史紀事詩句

高秋月色中君隨八州

督來瞰冰夷宮

洪湖泛月

聽雨成詩夢懷人每此時多君爲民事詔訪有驅馳

周橋聽雨

題畫菊陶子俊屬

頰齡不可制思得養生訣昨夢就菊潭飲泉芳且冽

題畫石榴便面黃小舟屬

聞說重恩稻米如石榴子誰與獻仙官試問柱下史

題臨頓新居圖

有序

潘功甫舍人于道光癸未夏屬友人作臨頓新居

圖以寓其思親之意甲申春將乞假歸爲大父雲浦封翁八十壽以是圖索同人詠歌而持歸爲侑觴之獻夫人子有壽考之親而事之至樂也其親之壽考而爲乞養之身其重堂年登耄耋視聽不衰樂其孫之能養志以娛親則尤爲世之所難得而其兩世皆賢者又皆有兄弟友于之樂則其爲世所不多覩之族不尤爲難得之盛事而可見諸詠歌者乎今芝軒尙書年初及艾乞養家居撰杖進食優游林泉上有雲浦封翁康強壽考以爲之親而下有克紹家學功甫舍人以爲之子其旣備

家庭之盛事矣尙書與吾家鍾溪同登乾隆癸丑上第而用光于尙書爲後進嘗得過謁邸居與聞誨言嘉慶壬申春用光過吳門未及謁雲浦封翁而得見尙書之世父榕皋先生及尙書從弟理參前輩因得攬榕皋先生之詩集以歸今與功甫同居京師時時以詩文相切劘蓋兩家之交誼若此頃得大父凝玉府君肄業成均時所爲易義劄記數帙喜其爲家中未有之本而用光得之于六十年之後乃如與大父音容相接而目紂其范喬捧硯之思也則于功甫之養志而其家庭間備人世

難覩之盛事而可爲歌詠者安能已于言乎爰綴之以詩而爲之序如此云

悅親以文學輔仁求友聲簪纓與林泉因之增其榮  
盛事世難覩至樂吾尤羨遲汝紹家風瀛洲與相見

乾隆丙午先君以兵部郎中監督大通橋顏其廳事  
自朋簪清燕之居嘉慶丙子用光省仁山四兄于  
通州過此見題額猶存而先君棄養已八年矣四

詩志感

白粲盈桴就橋泊一橋跨水影如弓阿咸記否同清謙指  
點清波落照中

三十年如彈指過榜題想像舊朋簪諸孫葛帔行風雪老

輩吾悲蔣翰林

先君與藏園交最厚今其孫貧游京師爲餬口計

少時未踏春明路索米金門已壯年祿養心孤頭漸白龍

岡何日表成阡

先澤留傳愧冶裘一官豈爲稻梁謀不才只合歸葱肆更

爲吾家子弟愁

題伯兄校書圖

中秘書多許校覩槧鉛勞亦拜恩私儒生畢竟邀知

遇記取登名偕計時

我到春明後廿年追尋舊夢亦愴然牢之化去遺編在家

塾桐陰尙帶烟

文穎唐文雨館開清砌我亦附鄉枚編摩未勤私書就愧說雲山證果來

補藤詩與借藤詩舊宅新居到處宜忽向畫圖醒昨夢綠陰如幄校書時

題仲兄朗亭桐陰按曲圖

洞簫聲裏素琴張藉院桐陰生晚涼消遣中年憑底事鬚絲容易惱潘郎

商畧樽前醉綠蛾閒情暫許放懷多金卮罷奏房中曲素口蠻腰可奈何

欄杆曲曲樹離離羅幕如烟映碧漪明月莫驚池畔影驚  
鶯有夢正相思

如此園林久住難軟紅塵土去彈冠他年聽鼓迴鄉夢侍  
女熏衣夜向闌

重題棗花書屋課讀圖

故園夢隔卅年餘嘉樹清陰衛勝初教與兒孫知往事棗  
花香裏讀遺書

送從兄鑑軒觀晉旋閩至蘆溝言別

妾被猶欣一死同明朝歧路各西東儘憑海水添更漏政  
恐離堂話未終

秣駕無由挽却廻蘆溝行色夕陽催相思後夜團園月曾  
照今宵客夢來

束裝吾亦賦歸與有約重陽定買車官閣若吟春草句阿  
連早已到鄉間

蘭滋送至梅嶺歸途遇雨念之不能成寐次日至羅  
源作詩寄之

遇雨剛逢喜雨時憫農心事汝應知却因山徑須防滑望  
汝平時此意持

題蘭花竹石便面寄歸示蘭祥

蘭性惟於竹石宜家園題榜夢歸時余家園類日竹石山房朝衫未

着終須着皇汝門風共主持

題濂洋山莊圖爲伯芝作

興到詩成否則無人生天地一蘧廬家園何必非鴻爪三宿心情合破除

拋却棲靈一珩青懶眠巷裏券初成不知一卷梧桐影後代誰題白石生

偶閱濂洋集集其句寄懷伯芝

帽影鞭絲何處歸清談應是勝張機吾家子弟誰矜咳可便文人有愧辭

憫與夫舟子示大煥大慶四首

樵夫汲婦穿雲外下嶺登山苦聽傳我坐肩興無个事如何浪使水衡錢

此亦昂藏七尺軀刺船裸體費工夫夜來一覺懵騰瞎雨外風前醒也無

晡後長年欲歇舟爲言灘急在前頭畏難避事當官耻莫向舟人怒竊釣

讀書五穀能分否紈袴何曾不悞身治事如何勤四體分途同勵克家人

以從叔畫竹留別曾霄峯

白沙鄧路憶名郵從叔居之畫偶存一種老懷難忘處時

收竹實護龍孫

題畫寄吳氏妹

風枝露葉影橫斜占斷鄉園水一涯省識同根相憶處早  
將歸夢約梅花

題畫寄內

抱取瑤琴立淺莎美人珍重意如何關山不隔相思夢未  
聽絃聲感已多

去歲自陳州挈家屬舟行至八里梁乘驃轎抵浦口  
今歲自浦口往陳州其舟車之路皆與去年同途  
中述懷寄內二絕句

眉痕一抹望中山分載年時記共看羈緒忽懸殘月影驃  
綱重聽五更寒

淮流北接秦河暈新漲憑誰記纜痕重上小舟一廻首雲  
山千里夢江郎

爲雪蘭題靜華館

十年離緒短長吟春月能明兩地心今日唱隨天付與雙  
聲聽取綠窗琴

泛宅詩成句自工墳篋和處意雍容筆牀書格西頭屋訛  
取吾家女士龍

青棠掩映碧窗紗甥館春深盛物華慈母忘憂暗獨怨宜

男花是吉祥花

題畱墨琴夫人臨麻姑仙壇記爲雪蘭從女題  
鷗波館內簪花格響搦摹來筆尙新若使麻姑到塵海評  
書也重衛夫人

艷說西江寫韻樓文簫夫婦足風流可知上界清虛府亦  
有神仙賦好述

甍尾銀鈎氣自華東吳才女筆爭誇吾家道蘊能吟架肯  
讓金鸞出自白家

欲往祝譚氏女子壽暉曆瑩阻雨不果遣兒子蘭第  
往焚此而作書禹門婿使之寄貲修理

楞伽山畔縱蛟艇水過聞衝墓外輒老我有緣如再到會  
須拄杖看新阡

哭靜娟十六首

惡風吹夢醒秋窓淒雨同飄淚萬行

是日風雨

不信塵緣拋斷

日選期也近展重陽

靜娟以辛酉展重陽日歸余今但多半日而適二十年矣

世無和緩莫延醫聽說延醫淚總垂不聽鄉言終自悔悔  
心愧遣九泉知

無處尋君語離別且求入夢訴酸辛如何夢境安閒甚了  
不知卿是病身

病情翻覆已經時伏枕才逾十日期若使關心人有識求

醫安肯付庸醫

平生心事付蕭條此去知君恨未消千里見娘才一面十年待我不乘輶

閨中望子尋常事胸次如卿却灑然生怕膝前無俊物阿奴碌碌受人憐

今知福慧信難兼纔舉甥孫病旋添幾度厭穠終莫赦離魂不就影彊彊

病中料理嫁兒衣午倦深憐氣力微三婿上林如接翅他年慰汝有光輝

十年悔我太將牢性好單棲似百勞早識抱衾緣分淺專

房合倣富家豪

熏衣量米更何人  
百事憐君任一身  
手把綾衾送君去  
爭教大婦不沾巾

當年不肯身離嫡隔一中唐尙覺遙今日拋儂向何處由  
房無術可魂招

牙籤玉軸安排好夢裏能來見也無悔不前時慰卿意情  
財使汝病難蘇昨潔治靜娟室兒輩有夢其來觀此室者

廿年童僕亦知恩剩得賢聲處處存宰相無名空有傳笑  
他調侃是名言朱野雲謂位至宰相無人稱頌之不如女子有賢名者以是語慰余

舊主相依厝室寬教儂一去一心酸出門便是天涯路有

屋留卿見面難

素影亭亭夢曉寒，綏山桃熟不能餐。  
春愁春恨歸何處，祝汝他生作牡丹。

春浦娟曾爲乞得黃季知畫素梅牡丹桃  
寔娘子以致其頌祝之意今仍張于娟娟

室中

無端愁緒上心來，抹月批風興盡灰底事。  
平生能作達者番，懷抱竟難開。

席姬百日寫經後賦此

轉經厭覓僧徒鬧，苦行沙門那得來。  
手寫多心經一卷，聊當營奠與營齋。

月夜寫意

老樹空庭寫月明折枝影裏有人行歸來響屩憑誰聽空  
憶階前喚女聲

長眠人豈不知寒冷月荒郊自夜闌莫更思量添半臂儂  
猶容易耐衣單

七夕追憶 靜娟

金風玉露可憐宵除是他生賦鵲橋此去故鄉應較近芳  
魂能否認星輶

九月初二夜追悼

不分三生一夕休傷心重見月如釣黃泉若信今宵冷有  
夢還來替我愁

逋髮如雲未上笄硯南花北總相隨早知繡閣終無分落  
溷飄茵合聽伊

一顆明珠掌上擎鸞冕笑靨問三生誰知此福難消受我亦如人不少羸

斜倚紅窓太瘦生簾紋如水夢初成可憐連瑣聲俱斷從此春來不聽鶯

返魂無計拜蓮龕旬日誰將噩耗探從此嬉遊腸斷處只提下七莫初三

晦朔何人更數冀魂消浹月此三更細思此誤非醫罪只合儂居薄倅名

贈花詞四首

六曲屏風護翠幃銅荷一尺聽談詩簾波不隔雲鬟影記  
得去年初見時

却聘曾拋人寶釵等閒青眼肯輕廻憐他一諾千金意不是明珠買得來

飄茵落溷夢悠悠那得如卿意總酬多少人間隨例嫁就中容易着春愁

願向粧臺侍女君遙情迢遞託鄉雲此心已得夫人許憐惜知應到十分

定情詩

曾拈紅豆拜雙星  
鵲駕無聲夜獨聽  
若數夢中相訪路  
迢迢已過百長亭

一枝如意上釵頭  
記取而今願總酬  
眼底花叢儘拋得  
問卿可否識儂愁

髫年小字問誰如  
半臂攜來感更紓  
慚愧雨行修史燭  
不教卿喚宋尙書

夏夜有憶

霧鬟風髮夢杳然  
倚窗遮莫有嬋娟  
廻燈不照驚鴻影  
秋

近明洞已七年

曹氏女子順見詩

聰明性格好身材隨母浮家泛宅來絮果蘭因何處問朱  
門蓬戶與分排

繡來肇帨巧隨時一卷猶能趁暇時教與詩書都上口吾  
家道蘊最憐伊嘗從吾壽  
鈎女問字

母病持齋夜禱天調糜煮藥伴娘眠三山官閣鷄櫓處禮  
佛無聲矮屋邊

母痊兒病可勝愁閨舫無船有去留誰信胥江成死別斷  
紅不送主人舟

榴花照眼換三春續命絲難繫此旬玉筋雙垂身示寂佛

因緣現女童真歿于五月初十  
時鼻香玉筋

子分遺器付慈親線帖書囊著淚痕一具文奩云贈予言未報主人恩

汝親痛汝索題句帳猶衰年變汝心曾向上方山外過近

聞宿草墓門深

女墓在木瀆舉余譯  
氏女壽聯墓近上方山

綠春詞爲蘭雪姬人作

買春奉約已經年不遇名花信不傳今日穢書報蘤蕙晉

人風味隔生緣

事見蘭雪自序

一笑花叢眼倦開謝他蝶使與蜂媒鹿車能共夫人挽那  
要珠量十斛來

夾竹桃開花幾盆蕉陰比較月黃昏夫人恰送高堂至茗

話從欣竹有孫

識字曾聞上口多料量  
薪米更如何  
儒家中饋書生妾服  
飾居然謝綺羅

藏花門草賣工夫掩卷誰翻王客圖  
昨見詩龕居士問錦  
裙紀罷有詩無

時帆學士頻索蘭  
雪詩債故調之

新城蓮花樂詞

當里中竹枝詞

約指彊環壓鬢蟬  
感郎叩叩復拳拳  
蓮花深處儂家近  
知有郎來特見蓮

門前流水碧澄澄  
照得鴉鬟鏡一層  
拋與紅巾緘與意  
傳

書青鳥是魚鷹

龍湖祠前報賽忙  
好將十索慰丁娘  
六幅羅裳花萬朵  
請看花外繡鴛鴦

璠間此調唱來多難得  
官人也踏歌若使乞兒無乞相衣  
冠隊裏共婆娑

楊枝竹枝本事詩  
此是虛無假託辭  
借得蓮花來點染  
吹簫擊筑當熏籠

夢歸保疎堂由先君寢室歷夾室至寶閣堂

省墓初心賦遂初趋庭原自愛吾廬兒時院宇經行處  
夢裏堂名記保疎

故鄉習尚全殊昔來日真應賦大難說與寶閣命名意吾

家禮法未曾寬

疏如何保閭如何寶綺如松如暨桐孫竹孫猶孫叔姪宜審思之

庚寅嘉平五日夢晤十五弟於中田問三叔母在何

處十五弟云避生日往一鄉村約四十餘里余遂

至其村見叔母起居畢有童子男女各二三人似

是姪甥輩女獻雜佩男質詩文熙熙然卅年前淳

樸氣象也懸鄉間之近習思一挽其狃薄醒而賦

一絕句

不見慈顏卅載餘望中水竹好村居女嫋嫋翁男詩禮兒

亦思乘下澤車

自題寒閨訪夢圖

靜娟席姬事余二十年其勤儉刻苦余旣爲葉兒  
樂府脩述之矣生前未爲寫照以靜娟之爲人非  
可以絳樹青琴等類題品之及其病甚又不料其  
速至不揅旣破之後又拘于圖焉不類便是他人  
之說不爲之畫遺容而情不能已屬陳受笙朱野  
雲周韻皋爲四圖但寫意留爲記念而已旣以三  
圖予其三女而自留一圖復系以二絕句

夢裏人遙四載餘年來頗怪夢俱無葉兒樂府難重續  
憐

鬢星星一展圖

花徑新開人已去

後園築室數間種花甚夥乃癸未冬所創

莫從粉素認園林

海棠不與同評泊淒絕春來讀畫心

行館盆梅盛開感憶席姬重題訪夢圖二絕句

淒涼斷夢十年餘忍見繁英照綠疏若使玉簫真再世花  
魂緣分不孤虛

浪蕊浮花儘自開瓊枝何處玉爲胎巡簷只合添惆悵難  
得香魂入夢來

七夕苦雨

支機石上問前生風雨無端暗浪驚天上人間同悵惘一  
年好事不分明

七夕苦雨和沈湘南韻

銀浦流雲挾雨飛一庭秋色上簾衣七襄錦比廻文錦知

否天涯淚掩機

湘南時得家信故調之

鄂君被冷失同心羈緒無端更苦吟拋得閒愁消得恨雙  
棲還覓舊園林

一樽聊與慰飄零僕倦無嫌睭觸屏何事雨中孤坐冷苔  
泥怕印屐痕青是夜約湘南小飲湖南不果來

筠圃同年補示見祁春浦壘詩見贈之作次韻答之  
侍郎夙望領西風老眼偏於後輩明我愧昌黎與六一不

妨蘇

東漢李

自贊名

喻東白妹夫梧陰書屋圖卽送其之東平

園林未築且成圖清興平生愛讀書老屋三間梧百尺何時別構子雲居

負米身憐欲住難三間屋亦夢中看只今孤棹齊河外楓

葉蕭蕭驛路寒

來日題詩慰令蟬未能割宅意全違沙哥雀嫂焚香處簪筆携家住帝畿

話到浮生累苦多桐陰有夢亦烟蘿事親寧以官身判養

志偕君學守和

題號舍壁

當頭明月已團圓皎潔全憑上界看領畧風前花信好吹

將春色上毫端

矮屋忽成歸夢遠鄉心未許宦情酬檣烏便是慈鳥樣鮮

送春江此日舟

時大人自陳州旋江西

口占示蓉裳

一卷遺詩尙典型不教埋沒此科名人間何處韓陵石努  
力金鰲頂上行

無題

君房言語妙西京束帶峩冠派自成除却皋夔數僑札風  
流不似漢公卿

偶題

若教嵇阮漢初生，禮注寧慟月旦評。  
天遣南朝稱放達，却緣師友累才名。

樂府曾聞君子行，古人心跡兩分明。  
瓜田李下無荆棘，造次偏多鄭重情。

小遊仙

上清名字落人間，瓊想瑤思未解顏。  
不信神丹難乞與，蓬萊無地破天懶。

詠史三絕句

莫將繻帛蓋虛聲，譏諷須全處士名。  
唐代漫聞徵李渤海，家早已笑樊英。

陽城真是諫官才臣直知從主聖來鑄像鑄他張萬福天威都向一言回

塲流法始漢王景爲整謀生周白圭催却興公遂初賦大農使者領金堤

無題

沼盆島石環游處底事鮋魚特費才不管人間多涸轍棄高回首只悲哀

秋生雁漱與鷗沙黃鶴樓空只暮霞但有將雏無反哺荒村啼殺後枯鴉

與冷華雲司馬綱玉話舊卽事贈二絕

聽說勞山景最奇桃花不墮懸岐枝尋仙有約偕君去同話海潮應地時

樓外天光夕照開樓前江影崔飛廻自緣吹笛非今事我不登樓崔不來

和芸潭遣興絕句二首

昨宵一雨送秋來陡覺新涼枕簟廻底事多情花外蝶尙紫曹蕊點蒼苔

兒曹文筆未蒼堅秋駕猶思控玉鞭笑我吟鬢拈欲斷涼蟾影裏聽寒蟬

雨夜不寐

一夕淋浪雨不休明朝山色獻晴不寒窗聽雨更番夢身  
事牽連感白頭

秋暮懷人詩十五首

少詹博學該今古老去心情更愛才我到寶山空手返寸

蓮慚說叩鐘來

錢少詹大昕

解組歸來靜閉關風期高峻許人攀公憐少日蕭淵藻我  
識當年元次山

梁侍講同書

蓬萊才子領河防班志桑經考核詳奪却更生都水監天  
教太乙借藜光

孫觀晉星衍

石友平生推魯四紫薇花下過三冬斜街賃屋定何處獨

把殘編哭仲容

魯舍人續

十年姑孰首重回  
刻意吟詩榻對開  
莫笑隨人難作計  
平生句法似君來

蔣孝廉知讓

樂三吳二風流甚  
唐宋詩名各擅場  
若把阮亭比定甫  
將蘭雪配蓮洋

吳上舍肅梁

吳學博照

樂明經宮譜

徵君家法有師承  
貫串真能通六經  
已領龍眠都講席  
更開浙水草元亭

胡徵君處惜抱先生弟子

姚君恃才頗偏宕  
綠韞紅袖倚風情  
尙能折節承家學  
解旁嘲晏子楹

姚孝廉衡

方生年少苦吟詩  
萬卷圖身月照幃  
我欲獻芹君許否  
莫

七子學妃豨

方秀才東樹

譚郎奇氣不可壓盤馬彌弓事事能乞食一枝鐵簫冷麻衣影裏讀書燈

譚公子光祐時持服里中

結交莫結輕薄兒學詩須學古人詩我愛喻生好才調贈  
茲二語明相思

喻明經宗尚

經義而今等芻狗競將僞學闢宗風山左斯文留一脉閭  
韓死後有盧公

盧儀部薦溥

尋師兩度江南夢總飫君家苜蓿盤常笑彩毫傲霜鬢詩  
名不稱廣文寒

毛學博藻

少時心跡兩相親十載浮沈判夙因蜀衡好成蠶尾集宮

花莫負上林春

從子希曾時觀學四川

狂論時時就癡叔阿咸才調劇縱橫著書亦有臧三耳莫  
把心香悞此生

從子蘭祥

乞萬廉山畫龍眠授經圖

吾師贈硯十年前每讀銘辭便黯然寫取高山流水意一

生詩夢遶龍眠

姚師丁卯年贈硯一方其面鑄高山流水四字背鐫銘云翠岫倚雲紅泉渴玉管城

是居超然遠俗款署蓬萊山樵不知何人所作余重其姚師所贈徃年以之爲詩課題今晤廉山屬其以銘辭語屬

龍眠景志授受之意云

有感

江公枉詡魯詩宗歌奏驪駒宴未終可識翁恩高蹈意不

妨倚醉聽東風

天際冥鴻自在飛龍眠山草翠周圍遙知倚杖臨風立特  
爲門生一啟扉

懷梁山舟先生

我憶西湖老居士高風不借善書傳雋遊倘續南屏夢我  
亦題襟非少年

懷丁小死

杰

服鄭平生共一燈丁君漢學重吳興何當商略傳經事話  
我思君十載曾

追憶祝人龜先生

祝子於吾大父行禮經新注在巾箱

先生稿

家藏

禮記註

學緣私

私

淑書能讀漢宋平分一瓣香

晤春園言人先生之孫固其中表丈人行也而後

嗣不振復綴一首

當日商瞿遲得子而今再世有孫曾如何三秀難成瑞不

許嘉禾記歲登

人先生得子時名之曰陳禾

芥航晤後以勘工高寶與余先後發棹舟中無事復

成數絕句呈芥航索和

吳中同趁一帆輕小別仍留握手盟共此一條來帶水君

來我再班荆

兩圓付我壓行裝觀瀑龍湫願得償感舊石樵題句在何

塘楚笛又山陽

石樵以所易晴芥藏徐幼文雁蕩卷屬題余未題而出都頃摘芥航天台雁蕩兩圓

俟至浙東後補青芥航語以傳  
聞有介坪靈耗不勝感悼及之

春服昨朝刪欲換夜來風雨忽寒生輕裘君倘衣裘減擁

被輪吾夢易成

雪響驚從雨後增陰陽愆伏理難憑東南事事關、宸慮

佇迓天和驗庶徵

次韻東荔峯同年

花意亦如禾待雨葉凝乾碧向空排燒花心到壘畔先

約風姨靜午衙

半年酒戒未曾開這暑偏工覓句來獻罷螭坳甘澍頌定能招我一啞杯

遇黃初甫前輩寓齋

碧瓦鋪鱗樹放煙幾家茅屋雨絲邊全收野趣歸窓底題榜應書小洞天

瀟瀟雨響猶懸滴漠漠雲陰欲叩闢見說西山當櫨在不教容易認煙鬢

飽看經旬屋漏痕借他篆法好書裙北窗撤却烏皮几又與移床賦撻雲

贈柴比部虛舟

孚中

月臨幽戶不知寒一局楸枰子細看領取性情高寄處潭  
忘主客在長安

涼宵暑夕共追隨投轄都從下直時容易歲華彈指過梅  
花又發向南枝

論詩品畫態愔愔氣味如君恰似琴國手一言堪悟處平  
矜釋躁有同心

寄懷徐石溪大令

城北清標廿載前戲鴻筆妙走華箋天教換作爲霖手先  
向西江結善緣

春明話舊一班荆霜鬢都看兩鬢成三晉雲山詩夢在清

風暑爲故人清

先公一疏受

恩知副墨思傳譙直詞

尊先甫畫堂侍御以言事受仁宗

知旋出守登州余頃索君以遺稿錄寄

莫謂南臺無正論桑林音合奏刀時

離懷三月詎能消燕晉相違路豈遇一種鄉心分宦轍匡

廬瀑布廣陵湖

江南闌中間監臨有疾以詩代柬

堂皇危坐過三更相見猶煩秉燭行奉職惟恭忘小疾誰

將此意曉諸生

江南應試諸生唱名時多趙次者故欲以此義曉之

得陸方山書却寄

聽說梅花有替人寒閨訪夢憶真真儒家卅載清閒況當

日渾忘一字貪

失題

春明花事訪更番每共郎君載酒看只有梅花消息少江  
南詩夢破春寒

東閣他年話誦芬行當五馬賦離羣褰帷不忘趨庭訓長  
與人間作好春

戲束小松

夜中頻起渾常事老去情懷喜不孤聽取階前敲石響知  
君亦飲淡巴菰

耿窗燈火撥重明牆角今方重短檠我倦欲眠君亦曉掩

門軋軋下簾聲

荳溪樞判屬題申小霞倪黃合法便面小霞年十五

紫霞學士公子

青山紅葉望中深古法能于合處尋畫有倪黃詩李杜試  
憑悟鏡證文心

一篇序贈張童子媿我才非韓退之記取海東名下士鄭

謙參後此佳兒

荳溪先生有題鄭謙參孤山亭圖詩

口占示高麗趙秀三

暖律初廻萬象蘇

帝城登眺足歡娛朝正詩客如龍虎

頌寫青雲千呂圖

太乙舟詩集卷十二

新城陳石士甫著

三男蘭第從姪孫夢校刊

題星池紀畧應宋生

至熙

屬二首次首志感不必與

宋

五雲吟草句爭誇唐相家聲溯舊家我未讀詩欣拜像清  
癯風格是梅花

鯉湖祈夢得佳城有子能賢志克成負祖痛宗孤本意阿

咸書到淚縱橫

先君壽藏在鹿源而墓地則在西谷以先兄不樂鹿源從子蘭祥延張繁露爲定宅

兆今年四月大葬余以未能假歸爲憾

題元祐黨籍碑

三百九人齊勒石頌行天下玉融碑愛名翻笑羊公淺此亦能同峴首悲

銜結臣京奉詔書虞戈重見永興虞可憐此筆傳千古得與蘇黃金駕無

門生周菊人以所得山谷殘碑見贈拓而裝池之題一絕句

玉門客有贈殘碑欲讀難于屬句時嘆比杜公家短褐天吳紫鳳付裝池

題宋元名人墨蹟十六幅爲黃栞山農部作卷中有  
陸筠書一通郭蘭石跋云筠金溪人著孟子音解

九十餘條余於賓谷前輩齋中見陳用之論語全  
解而未見筠此書行當訪得讀之也

始于雍國終徽國七百年前書赫蹏我欲博蒐論孟解因  
之重憶陸金船

張柳泉太守購得沈學子先生手評十七史中多錄  
歸震川汪鈍翁惠紅豆語柳泉尊甫爲學子先生  
弟子因作讀史旨屬題

徒倚孤松百尺餘翛然手把購成書讀書聲與松濤合門  
外無人來叩廬

遺緒能求學福齋沈學子  
齋名丹黃萬卷手初開鈍翁紅豆行

聞語便欲從君寫錄來

震川得力在龍門例意曾鉛副本存  
一書言水利知君能與訪江村

震川有史記例  
意余手錄之  
震川有三吳水利  
書項屬君訪購

每逢文字勤蒐輯君與姚君意共深  
州時知西華張樹周遠覽工詩文訪  
得其說經文字數種而爲請祀鄉賢

太守劬書兼化俗從  
看循吏出儒林

斗津遺著喜新收我亦年來有校讐

先大父嘗欲建章斗津先生此流堂于東

湖先生畱書編  
余頃購得之同是楹書珍重意鄉雲各自夢松楸

爲蔣子瀟題鳳巢山樵遺墨冊

傳衣恩重不能忘尺幅殷勤爲護藏我有龍眠書十卷他

年遺跡等蘇黃

題湘煙小錄爲家小雲別駕作

阮公題籤馬公序湘煙一錄重繚紺九原大慰紫君意夫  
子結交多老蒼

國香營室有前緣難得重闡大婦憐墨會靈篇今寂寥殊  
陵春色自年年

題貴賀西前輩詩冊

清辭麗句韻瓏玲腹笥工於運性靈宗派兩家兼擅處帶  
經堂與曝書亭

出關行色一鞭秋指點河山豁遠眸主客圖中如摘句丹

青遜此筆雕鏤

莘農同年以詩稟質蘭雪有朝鮮使入索之蘭雪不許未幾而失去往索東客而東客已行莘農繪海

天覓句圖屬題

錦囊佳句到難林誰識工吟自苦吟任國事如詩律細虛懷求友一般心

閩嶺重重俯巨洋使輶過處瞰蒼茫海天詩思輸君健安得聯吟一共商

題白將軍雲上所藏榕門相國尺牘後應白若守清

守廉兩大令屬

兩紙遺書寶至今第兒都有象賢心替將儒將爲循吏努力甘棠接舊陰

成就人才不市恩名臣風義相公存高牙大纛談經濟合向榕門一埽門

爲門人范修元題劉松嵒書冊冊書子賤爲單父宰

事

列麥不教因避寇情民從此頌鳴琴而今山左風何似寫入覃懷作客心

題無雙譜冊應林芝谷同年代人屬

讀畫心兼讀史心置身端要上危岑昨從石鼓山頭望入

海支流了可尋

黃个園得馬氏玲瓏山館而仍署其藤花齋之榜名  
其達觀有足多者余作隸因系以詩

新宅還題舊榜宜達觀不爲盛衰移春明寓舍江鄉屋根

觸詩懷入夢時

余京師寓舍及中  
田舊宅皆有藤花

題勺園明府曝書亭圖

梅里憑誰訪石樓菱池醞舫此新修幾叢寒玉遮墻未

北  
也竹南垞也竹護吾廬

矣輩寒玉竹垞題壁詞舊畫難從撝李求

魏顧論文訂一編傾心想見事前賢

亭林水叔徐乙先生  
文稿麻本今載平根

制府蒐尋外稿重雕木曾否商量短檠邊

處

題明宜興李氏三忠像

艱難國步好年華臣節由來不顧家遺像祇今歸後裔當  
年春夢各天涯

爲六舟上人題沈石田自畫像

禪客心情重畫師裝成遺像索題詩蘇臺住與西湖住一  
種雲山作護持

住世安能八百年

石田自題有紙人百天人百之句

石田翁壽有雲烟搆

除我相兼人相一紙流傳亦偶然

題戴文端師遺像

國士曾邀十載期

師譜用光云庶常留館後能耐貧

富何堪

遺像展斜暉。西州一掬羊毫淚洒向松濤。作雨飛圖。作松下獨坐

朱野雲屬題張憶娘簪花圖爲題于惠紅豆詩後

红豆深情亦哭虛簪花影艷絳帷。初請看鶯鳥歸飛後苦。

憶崔徽伴讀書

過濟南題畫贈劉葦問廉訪親家

一肩行李投何處。橋外鞭絲樹外峯。我愧乞兒般漆碗壓  
囊書。擔一重重。

松蘿情重客心閒。渾忘炎天跋涉艱。我欲仿他圖一幅尋  
詩特寫鵲華山。

大明湖水比心清。郡國都傳繡斧名。題畫不嫌段薄親。

家風味是書生

題人行脚圖

聽說園身萬卷書  
靜中白業悟如如  
世緣難了從行脚衣  
裏明珠自寶渠

題張鰐江秋林讀書圖應其幼子涵屬

尺素曾通笠澤濱  
卅年舊夢轉廻輪  
畫中想像揚雄宅  
臥柳當門草没人

鰐江自題圖句

嘉樹堂前萬卷書  
晏楹心事此勤劬  
致身他日青雲上  
家法無忘願志初

題陳雪園讀書吾廬遺照並錄其孫皋蘭改官農部

初踏聲望白雲亭，老去滇南坐嘯成如此。  
才華如此學當年，竟未賦登瀛。

讀書但要能經世，官職隨緣可竭才不用商量。  
平等法難，本自壓鄒枚。

一樣老屋憶吾廬，述祖詩成聽鼓初。  
我亦久騰猿鶴笑，鄉雲入夢樹扶疎。

題畫留別麗泉中丞

古木懸崖石氣陰，盤陀小憩話同心。  
閩南鴻爪他年認，夢境還從畫境尋。

題蔣伯生縣丞  
因培重到汝陽圖

蘿莊風景此重開添寫官民夾路排畫此不嫌官氣象即  
君今作使君來

于湖風月柳湖煙我亦趨庭憶昔年持節重遊何日事傷  
心都在白雲邊

題程梓庭比部秋花幘子

草痕侵石作螺紋石畔秋花影乍分預約東籬延月色金  
波漾處有紅雲

爲黃右美題蕉生圖

禮遵厭降情難已永慕因成課讀圖此日書聲誰聽取梅  
花窗畔淚痕枯

瑣聞璇聞禮教傳從游三女節差肩竟能成就貞兼烈羅  
綺叢中有此賢

爲黃右爰題憶潮圖

卅年來往西泠路未學枚皋賦廣陵秋色秋聲發鄉夢少  
年有此筆飛騰

珠湖漁隱圖爲阮梅叔亨題

才名籍籍滿江關底事投綸慕退閒讀罷等身書萬卷珠  
光終竟入人間

題霜帷課讀圖

綽楔旌門願已酬孤兒簪筆侍螭頭春暉寫戀懷綠素夢

入鄉雲書裏秋

未能迎養意寧舒脂轄行乘乞假車歸去好從燈檠畔爲  
蠟誦取石渠書

我亦兒時多病身

先太恭人與三叔母  
魯太恭人最相得月

光幼時疾皆  
媳爲護視之共酸辛

調糜秤葯思量處輸汝南陔色養人

題喬鷺洲宜園讀書圖

讀書大是人生福况有家園足下帷我著朝衫同作客短

檠燈憶少年時

師友難忘請貫功漁洋淵穎較誰工讀君雜擬詩剛罷夢

謁蘇齋一畝宮

往覃溪先生嘗以漁洋和淵穎張麗華  
侍女汲井圖作詩課君集亦有此題

頃爲人題畫冊步船山韻誌感

船山曾爲余書梅帳額

老我低回讀畫身憐他紅雪已成塵卅年帳額今猶在難

覓詩人賦莫春

戴崑禾太守出其尊人石士編脩畫竹幘編修自題

云虛心友石寄蓮士五弟以致交相勗勵之意

星韶畫筆禁庭詩世澤巾箱謹護持壓倒池塘春草句名

家家法是箴規

平生詩夢在於湖悵未星韶接大蘇天遣墨綠繡賢守霞

瘴幸得讀斯圖

補題潞河祖帳圖寄懷左杏莊中丞

府身從謁 帝還乞休歲月儘寬閒平生詩格三唐近  
歸去從容寫惠山

潞河一櫂放歸舟戀闕心兼憶舊遊投轄未能參祖席倚  
雲詩合寄常州

石經嵌壁記淳熙訪古情殷布化時曾乞西湖蟬翼本每  
開錦賾輒相思

早聞治譜勒成書循績功深澤古餘我補作詩君補寄一  
械迢遞盼雙魚

題王竹喫松楸丙舍圖

入望松楸感慕同羨君馬鬣手親封離鄉如我真無著丙

舍今猶作殯宮

先太恭人西谷丙舍今以先君吉兆未得尙厝于其中

題王竹嶼夕陽春影圖

朝雲不共坡仙老一幅生綃駕夕陽知否玉簫緣分在羣  
臯持節又他鄉

小農河上防秋圖

不知王景搗流法可與隨刊績異同木嶠竹箒收效處曾  
于河濟奠哀鴻

恩綸捧出自中朝珂里歸來亦節旄省識同功非一藉肯  
因異議畧辭勞

題吳小坡秋江歸櫂

歸去讀書無限好南陔馨膳未嫌貧扁舟欲買圖先就羨  
爾長安自在身

能紓臣叔娛親念來去都非自為心此是詩人根本事華  
年不必感升沈

題畫

珍重湘絃古錦包半生幽恨自應饒淺莎踏處秋陰重莫  
向雲堦墮翠翹

已從仙館得知音爭遣鸞驂夢裏尋知否碧雲天際合有  
人愁絕據梧心

題潘功甫西湖秋柳詩畫卷

二十八年前柳色中間幾度別西湖自慚不及潘公子佳句流傳更有圖

戊午夏余始遊西湖靈隱輪光等處前此癸丑已酉雖再過未得遊也

鴻爪無端惹舊愁百年任世感浮休昨來遙洒蘇祠淚葛帔西華有遠遊

庚辰秋玉方委化于蘇公祠其子延思今携家寓京師

題畫

山椒雲氣欲成雨林外溪光疑著煙茅屋幾間人幾個知誰讀易孰譚禪

題李芸甫員外觀源圖卽送其歸

出山泉有在山心肯向靈源着意尋畢竟歸心見圖畫題

襟人又悵分襟

題李芸甫員外南歸畫卷八絕

燕臺新柳未齊絲  
路入江南放鶯遲  
雲外青山花畔酒  
君歸及好春時

影纓孔翠漾春風  
戲綠威儀自不同  
說與高堂應色喜  
前教試竹枝弓

綠肥紅瘦畫前遊  
信有溪山無限幽

君前以夢中景作村居圖索題

客子

夢歸歸惜別  
可能無夢到盧溝

君家仲子今摩詰

謂李

問字偏遲見面緣  
可許灘江真捧

袂采風來飲菊花前

君家從子數宗丞  
十載頭銜共飲冰  
聽說循陔將乞養  
憑

王詩集卷之二

拈红豆貯行縢

蘇山卜築計何如碧澗紅泉路豈幻我亦微歸尋二仲惠  
書莫忘寄麻姑

交似周郎信飲醇金尊檀板忽傷神儘饒家具都留別只是難留顧曲人

鞦韆帽影入林巒只有離心欲盡難盼取歸朝話鴻爪詩  
懷重展此圖看

爲王鶴舟題伊銘谷畫時銘谷將出都門

倚裝爲畫米家山使我三山夢復還他日同朝話前事不知幽興幾人間

爲黃君題松下課讀圖

黃君時尙未舉子而姐人初納身

松濤聲和讀書聲佳兆蘭闇吉夢成老福從來如啖蔗請看甘蔗是旁生

蔣伯生岱頂搜碑圖

我亦曾爲岱頂遊磚錐未得快冥搜讀碑夜發披雲夢重向齊煙數九州

題梅花林下美人

萬樹梅花一布衣滇南有客性情奇等閒寫作寒閨影爲問賢賢世有誰

題畫送雲亭將軍

孤山天竺屢同遊  
內召旋聞買去舟  
認取相思無限意  
西湖雲樹畫中收

題畫

訪梅昨日到孤山  
三四分花未破  
惺放鶴亭空  
鶴已去今  
從畫裏看飛還

題陳琴齋鑑湖釣遊圖其首冊曰竹樓問字

鏡湖陳跡畫中尋  
肯負兒時問字心  
我昨新乘先友集  
范喬泣硯感同深  
海昌祝人齋先生先大父執友也余不遠事大父昨刊人齋先生集初成

朱野雲屬題其畫

長松吟風石作鏡  
趺坐者誰張素琴  
大絃小絃初著手  
移

情聽取海潮音

以畫贈潘梧亭觀燈

有人贈我一幅畫雲氣欲雨松亞風舉似梧亭應一笑就中山色是江東

小詩贈蔡海城卽以話別

効書幾載別瀛洲經濟期君第一流湘茝澧蘭幽契在吟

情剛稱岳陽樓

集野雲擬陶詩屋題野雲畫扇送姚亮甫大常廉訪

秦中次鮑覺翁前輩韻

題詩贈畫話同心着紙晴煙欲滿林天意恰如人意處雨

無破塊是甘霖

時雨後

故人西望嶽蓮花旋恐移旌拂鴈斜我與諸君同所願

南節署作公家

吹簫乞食圖

負米當年乞食時我知有畫未題辭而今祿養心傷處同

廢南陔東晉詩

補寫舊作譚子受英雄兒女圖

少日飛揚興亦無剪燈對我白鬚鬚補題換却前詩意待

賦中和樂職圖

自題伯昂少蘭合作藤花便面

鄉夢空知借樹軒芳鄰許結亦前緣有廬試續補藤句不

數昌黎責子篇

余家石竹山房有軒日借樹軒先君官京師時買宅椿樹胡同庭中值篠花甚盛及

余來居而篠無存因買篠種之而作補篠篇以記其事王申移居慚眼胡祠牆文恭公故宅也其北鄰篠花甚盛蓋地本在此宅中今已售爲濟南會館矣然篠花蔭過墻頭不啻余自有之與余家椿樹之名若巧相傳合因伯昇畫此便而乃題一絕句並詳識之如此若昌黎詩所云辛勤三十年乃始有此處非余意之所存也甲戌三月識於福闈之西

廊齋中

題梅花便面贈李東雲同年之粵東廉訪任

我向孤山獨訪時君過庾嶺定相思班荆未酌西湖酒却盼蘿浮入夢詩

題王雲浦遺照爲甥婿王如璵屬

宦跡當年溯蜀中書生素志學文翁郎君守此看雲意他日爲霖莫諱窮

送潘麗查同年之博羅令

兩輪四杵經營處詩老田功屬念專誰與博羅添故事陳生同志有同年

送伯印少農星使典試江右

手把芙蓉下玉京廬山五老笑相迎西江宗派參詳處聽取開先瀑布聲

過家上冢拜君恩使節榮於經里門一桁龍眠山色

幻夢中釣石坐猶溫戊午年曾隨抱師遊龍眠

君家耆宿吾函丈文貴雲間合五家此筆難兼奇士少且  
從雅正辨根芽

棘句釣章多贗鼎黃芽白葦苦披沙還朝細領論文語端  
正吾鄉雙井茶

文節祠新有創基景賢同繫後人思煩君轉語南昌守  
張子畏  
同助鳩工合寄貲

留別周素夫邦上

一樣邗江認雪鴻故人握手話從容肯教抹月批風手孤  
負花前酒百鍾

綠陰如幕照江波頻向樽前喚奈何莫謂遊踪容易聚等

閒便是十年過

留別

湘臯佩向懷中失洛浦情從夢裏尋  
尚有相逢緣分否尊前軟語記沈吟

良夜滑樽惜易徂留髡恰未解羅襦  
單情偏受離愁惱如此風懷韻也無

過采石

見魚何必察于淵人與蛟鼈各一天  
我縱有犀寃肯照謾他靈怪得安眠

宿州途中雜詠

太行別後少青山徐沛群峯翠始環行到符離空曠處却  
疑身在趙燕間

去年與誦滿江淮陶侃仁聲可化災今歲移旌知有祝練  
朋驕自皖中來

過西住佛東住佛戲作

綠疇平展抱溪彎未種高粱身事問一嘆諧聲呼住佛何  
人拄笏與看山

了義誰參無所住更無像設著招提從知非相非身相別  
有友珠照濁泥

過東住佛西住佛不見桃花

難逢白足訪三車空向郵名認佛家一笑無緣參悟處我  
來不許見桃花

過高唐州

古樂新聲費別裁里名標楔首重廻周郎不作縣駒死我  
自江東顧曲來

聲音通政事非輕韶舞爲邦未易明且願中和歌樂職王  
褒何武引諸生

遊大明湖

一層蘆葦一層荷遊舫彎環泛碧波試比秦淮與虎阜收  
來野趣此偏多

界畫全憑蘆葦叢荷花高臥水當中荷花厭俗嫌出水蘆  
葦搖煙都舞風

亭荒北渚蔓蒼苔李杜曾蠶去不回一笑百年前軼事詩  
翁猶記遊泉來

葛衫葵扇兩三人避暑閒遊特向晨回首斜街兼廢肆京  
朝官擔任天真

銕公祠內好招攜疥壁全無効婦辭忠義精神誰寫出涼  
蟾照到白蓮時

良鄉晚發

餉率沿例兼迎送勘合還頒戒驛驛過使客多難稱意幾

番僕約學王褒

由豆店夜行四十里至涿州

纖雲四捲玉輪高  
林鶴無聲見羽毛  
此際家人知我否  
三更月影在衣袍

過呂仙祠小憇

門前活水碧于染  
牆畔小邱環作城  
行過石橋踏松影  
便無仙夢也心清

文章經濟兩難傳  
肯爲塵勞誤宿緣  
我有老藜須祿養  
借公破枕待他年

行館中戲題所見花木

陰葉陽枝費剪裁深紅淺碧倚晴開天公無意安排處各  
自選他稱意來

自汀州至龍巖途中雜詠六首

欲登東崦先西崦試向南岡望北岡來去憑誰安畧約山  
田幾稜界中央

灘響淙淙奔巨壑樹陰密密護行輿曉程忽作園居想隔  
岸人家可讀書

一色秧針青作界幾叢麥穗白搖星少年句可行程續只

惜難廻髪髮青

首句少  
時句也

研光好紙有前身巧製全歸力作勤山下漚池池內石一

層雲影漾波紋

高處盤雲低拂蹊蒼官青士列行齊重峯疊嶂相回抱卅  
里行程信馬蹄

蹲鷗有葉亦田田繁雨誰吟翠益鮮一笑愛蓮翻別調秋  
聲秋色綉塍邊

龍巖往漳州途中雜詠

四山廻合莽相圍處處梯嵐上翠微遙見一峯有茅屋如  
從此處下朝暉

鳥道難通方軌轍奚囊却在惠施書溪名喚醒春明夢懸

關心懸叱馭餘

有汎地名九車溪

山行不許辟行人鞅事當年記憶真今日鮮民悲陟岵耽  
誇身是宰官身先君由太平往徽州獄獄時山行遇撫夫擔夫不令胥役驅還

田父安能知拜石奇礓往往綴山田煙蓑雨笠勝袍笏我

羨閭農盡米顛

卽事

絲雨蕭蕭竟日陰故園氣候此時心雨鳩不喚晴鳩出夢  
聽春山磔磔禽

途中雜詠

繡牕分疇整復斜黃流盈路走泥沙沿畦小澗忽搖翠映  
水低飛蝴蝶花

雲氣朝來散未勻輕霞淡捧日輪尊鶴鵠喚曉晴應定綠  
樹陰中過一邱

鳥衣巷外野塘清蒲葦邊傍艷影生幾穗紫茸斜帶日慈  
姑花態最宜晴

水口舟次

隔幔摩登遞繆囊賚將白粲話長生蒸砂作飯非禪定說  
法聊當舍衛城

問舫生涯數百年情民無計可辭船如何此習龍芻邦女  
織男耕不索錢

野望

望裏人烟似畫屏車前斜照映郵亭女墻遙在疏林外槐

出洋嵐一柄青

題寶甸旅舍壁用春松韻

鸞駒鶴駕浦瑤京官府仙人足此生琪樹一枝容我倚蓬  
山雪影亦多情

壬戌冬余乞假歸里約家竹香兄同行追及之于富

莊驛今過宿候館卽其地誌感二首

當年携我返江鄉跋涉闊河有雁行候館重來人迹杳夜  
臺何處夢淒涼

推誠負氣是生平巧詆還成宰相名媿我不能教孺子幾

年浪迹客春明

竹香幼子頗年居京師  
余愧未能督課之地

雨中至蘇州值糧艘北行楓橋以南江狹難以金舟

遂泊寒山寺作絕句三首呈林少穆中丞

石尤風裏縱船開水驛山程首重廻領取江南春色好杏

花時節訪君來

細雨春帆得轉風寒山寺外又疎鐘禪宗頓漸分門處一  
笑平生是漸宗

昨日一雨爲公愁今日一晴知消憂淮東西與江南北祇

取豐穰歲有秋

溪聲

漫遊隨我作山行証性工夫當誦經試與坡詩添註脚廣  
長舌要世人聽

瑞太守容堂招遊煙雨樓金陀別館賦此留別金陀  
館今歸陳氏主人業雕刻屏幅甚工

山水因緣洽主賓深秋幽興及佳辰雕鏤物態無奇句我  
愧金陀館主人

過釣臺作

風風雨雨到衢州雪後晴光喜放舟不信看山同讀畫嚴  
灘殘雪在山頭

自石門洞行十五里有山舟人呼爲雨鳴山有瀑布

而氣不能飄逸不及石門遠矣戲成一絕  
懸崖是處可乘泉山不宏深美不傳比似文家無氣體弇  
州四部亦萎萎

甌江雜詩

不深不淺甌江水一橫一縱轉航行若許終身領江色買  
山徑欲事躬耕

甌江舟行雜咏四首

山如潑墨水如油水轉山迴步步幽除却釤臺瀧七里處  
州山水勝嚴州

平生未睹懸崖瀑今見晴雷挾雨飛一畝庭寬容宴坐徑

恩此處掩柴扉

如獵如象踞山門一徑中開繡壤存佃種佛田書院廢文  
咸枯坐默無言

扁題噴玉漱當年是我平生私淑賢雷翠庭先生今日後公持  
使節如何不愧此林泉

觀奕

春陰一院靜魚扉簾外丁丁落響微莫笑王賓機事足能  
求退步卽忘機

戒貪戒躁屈能伸堅壁方爲守黑人澹定中存清淨理借  
他兵法去修身

先機遠慮此中存底事登場識易昏省識局終柯已爛只  
須袖手莫輕言

從來技到通神處刻苦工夫卽道心渠自不爲于載計旁  
觀何事獻虞箴

京師立郡邑館館必供奉文武二帝蓋鄉社遺意也  
家大人以椿樹二條御術宅作黎川新館所供像  
及記文自家大人出守後皆佚去予旣補作後記  
又于厥肆中購得聖像供奉前堂敬題絕句八

首紀事

聖朝崇祀壽亭侯封號文昌典金優郡邑館沿香火例

黎川俎豆亦千秋

我翁割宅爲鄉人適館期安應舉身一記一圖何處覓感  
他數典到椎輪

青雲接翅望同鄉往事趨庭指示詳蓉鏡要分衣鉢樣點

晴親乞戴平章

家大人所畫聖像邀大庾師爲點睛蓋戊戌年師作狀元時也

喻侯化去

寶忠

魯公歸蘭枝

佳話當年記者稀頗有諸公

師老輩憑將宅券守龍威

弓治箕裘事亦平補圖補記盡吾誠從他月旦憑胸臆羸

得人間好事名

畫手評來是國初上頭竹垞作分書真經曾乞蘇齋寫庭

訓心傳覺世餘

大人曾乞翠溪先生楷書閣帝真經將揭石贈人此畫竹垞隸書雖真贗莫辨而訓

詞固可覽世也

神燈擎處照人間風馬雲車境暫閒

圖中境像如此

十七世身同

指點祇憑孝友到鶯班

一架藤花滿院陰同人曾和補藤吟此藤若比科名草神  
聽能知種樹心

題老子觀井圖摹本

以繩度已凜乾乾觀井圖從太學傳欹器金人同示戒守  
身何地可忘旃

呂翁祠題壁

未許將身出世塵  
海山何處問迷津  
黃粱飯好從君乞  
我是初來入夢人

漫從磁枕問行藏  
肉食功名大可量  
解得神仙有經濟化  
身翁是杜黃裳

湯臨川以裴休杜黃裳爲  
盧生同年具席言之意

己卯春闌與李石泉論攝生之法戲成一絕

森森梨棗及時栽  
脉脉河車往復迴  
嚙罷紅霞無个事  
待他龍女獻珠來

題唐六如自畫鍊丹圖應吳鳳白同年屬卽送其之

官新昌

縱酒清狂不慕仙  
自題詩句儘流傳  
六如言詩云不鍊金丹不坐禪不爲高

賈不耕田間來就馬青山賣不使人間造孽錄見堯山外紀

如何丹灶安排處趺坐蒲

團又坐禪

仙論功德佛慈悲僊佛同宗理可推我是部民因讀書知君度世有深思

松陰滿地護梅花畫意詩情兩足誇循吏傳中訪仙令西

山故自屬君家

西山爲郡城山祖許真君晉昔旌陽令也

永濟寺和心餘先生題壁韻

香雨思尋說法緣白梅花影漾春煙禪闢小憩芳花去迦

葉知吾住世年

世緣因我似重圍豈有閒身傍釣磯省識懸厓在平地衣

珠只覓自家衣

原詩云我生未到懸崖上不向山僧乞衲衣今爲先生下此一轉語

恒河沙積幾微塵乞食從來苦問津我待飽餐香積飯轉

經說與世間人

說法何須現宰官打包隨處有蒲團不生不滅三摩地只

在儒林傳上看

初八日臥佛寺觀浴佛

妙相莊嚴古刹開更遵遺制洗塵埃憑伊識盡恒河性終  
自能乾愛水來

定慧寺嘯軒落成詩

吳中亦有東坡界特建新祠著嘯軒二土由來同一在公

詩如偈佛無言

佛法須無人我相頽湖曾詠百東坡會公此意新成構彈指華嚴現剎那

臨皋亭與合江樓鴻爪何須擇地留更欲與公爲轉語擬

寒山頌本蘇州

迎門疊石小嵯峨穿洞行時拂翠蘿真與書齋傳法乳洞

旁亭子奉東坡

亭奉笠屐像有蘇齋題跋

題金壽門蕉葉硯

廿四橋邊遺稿在吳筠齋畔讀梅花不知蕉葉濡毫日僧

壁曾籠幾度紗

余在揚州吳穀人先生齋中見壽門集中說畫梅花事最多

題梁正鄰所搨紀文達贈未央宮瓦硯銘冊子

未央宮殿舊崔巍遺瓦猶堪作硯材不識當年楊馬手陶  
泓何處染毫來

本師持贈見交情三世留傳搨本成信有人間文字壽可  
垂無極說長生

廿年前謁閱微堂恨不持經帶草旁今日與君論漢宋更  
誰舊學與商量

阮芸臺相國寄贈大理石小座屏其陽刻字曰秋林  
霜葉其陰刻字曰琅環鑑硯屏賦二絕句誌感

天心仁愛護寒松請看秋林蒼翠容結子餌仙傳五粒耐

霜不礙著霜濃

硯屏詩憶東坡子句爲歐陽季默裁不負當年知貢舉謾他頭地愛他才

觀生閣花蝶

棲靈山下讀書齋春到園林詩境開此日折枝圖乍展兒時捉蝶夢都回

重陽日食蟹有憶

鯉魚風急雨如絲此日霜螯只獨持記得玉人樓上座

簾秋影漾綺帷

一千里外六年夢爲把霜螯首重回一種芙蓉脂兩好累

他纖手壓杯來

楚翹以閩中海丁香見詢未之知也賦斷句以報  
食單漫與議芳鮮仙荔螺柑遠莫傳考訂因君發瓊想丁  
香未結海東緣

題瑞萼圖

曼陀羅亦尋常樹孝友門庭瑞自成一笑世人頌花木只  
誇旌節與科名

題謝向亭秋菊雁來紅幘子

千霄彩筆好年華康樂詩名自一家笑我飛騰過莫景延  
齡端要治薔花

大言金闕  
卷二十一  
牽牛花

秋露垂垂滴滿庭  
一鉤斜月墮流螢  
怪他樓畔穿鍼女  
對寒花向晚屏

月季

也向春風艷彩霞  
也同寒蕊鬥霜華  
中和性自隨時好  
就人間五品花

擗菜

霜畦葉擁晚風涼  
采擗從誇此味長  
却笑年來諳客況故  
園風色憶江鄉

送蘿菜與何仙槎

遣暑恩違醉一卮隔城消息恐難期食單儀日酸寒味報與先生得預知

送蕹菜與奎玉庭芝圃

露葉風條入饌宜年來小圃費鋤治聊將老圃酸寒色賺取郎君菜把詩

爲何昭山題畫白菜

菜根許鼓未全貧步履曾尋小圃春一笑棘闡飽公膳賦蔬恐訴夢中神

爲王霞九題畫白菜

食單待遣門生議生意先看畫本工一頃綠雲吹不散儒

門認取舊家風

謝芝圃太守西瓜之惠

翠蔓盈畦水欲波摘瓜時節屢經過因君一賦西洲曲甘

載鄉雲入夢多

吾鄉種瓜地土人名之曰西瓜洲

地接樵川百里遙楚材晉用惠頻邀守官須隔鄉人苟口

福憑君慰寂寥

予先期致書鄉人母至邵武相訪喜其咸信余言

訪梅西湖

一棹西湖泛釣槎冬心有夢約梅花春風品格端嚴處不

數仙人夢綠華

題白華畫松爲鄒重霞城明府作

松勢蟠空作風雨攬翠似有鱗之而籜龍遊地出頭角我

見詩翁畫竹時

頭沒酒杯盤礴巖醉中畫興憶當年冷松不住人間世去  
作楞嚴十種仙

虹舫以其令弟小珊格試作牆外桃花圖以寄懷屬

題

池塘春草夢如何怕說春風管領多纔喜連床對風雨却

成咫尺隔山河

阿蓮不來阿咸去一遊山右一江鄉舍弟沅不與計借舍姪希頤自江南送眷

屬往山西他時笑與家人說牆外桃花香更香  
遂不北來

題白桃花畫幘

水晶簾外玉欄東漠漠春煙淡淡風空識花叢真色相笑  
他春事競繁紅

優曇花發幾多時一卷楞嚴合誦持白業悟來過卅載滌  
山待覓志勤師

偶見

無多籬落雨三家作苦終年未有涯滿地綠陰如水積茅  
簷紅出一枝花

詠桃

溪橋南畔累紅霞故里年年春色賒記得今年詩夢在出

門時節未闌花

詠柳

南浦依依黯別魂曾勞青眼照離樽而今不遂封侯願空向秋陰洒淚痕

題羅寶田桃花石榴花梅花橫幅

榴房桃萼鬥新奇不忘枝高出手時說與百花頭上放師生心事友生知

題陶子俊編脩梅竹石畫幅畫爲黃小舟編修筆

冰雪叢中艷影開抱雲玉骨與徘徊天寒翠袖能寧耐穆契身原自許來

花倩士前輩屬題桃李芝蘭橫幅

鎖闈仍得事枚鄒  
晚節同攀老圃秋  
我亦題詩慰宗武  
輸公彩筆接瀛洲

題黃載弃桃李重裁橫幅

染將淺碧與深紅  
兩度吟秋意思同  
準備杏園芳訊在  
秋花努力祝春風

使院桂花初開奴子折供小瓶喜而有作二首

廿年鄉夢眼中廻  
喜見瓊枝使院開  
猶望兒曹能折取  
輸材安肯負英才

草堂小築傍神京  
種樹心期次第成  
曉覽禪心通鼻觀  
客

中先遣夢魂清

太乙舟外集卷十三

新城陳石士甫著

三男蘭第  
從姪孫夔校刊

笑賦

昔者無爲子遊神乎廣莫之鄉寓意乎泰寥之府虛率乎六合矯首乎上古元闇不啟谷神寂處忽焉起坐振衣長笑賓實先生過而詫焉曰子之以淡泊爲懷者有年於茲矣謂宜釋智遺形嗒焉若喪搘有爲無出入浮虛顧乃情極於溺人之聲而形凝於濕灰之揚母乃汨性焚和而玄化之守不固乎無爲子曰否否子固迹夫響而未尋夫竅也今夫天得一以清地得一以甯其氣升降與物爲體苟

智不足以相扶胡爲藐焉而於茲中處吾蓋超今忽今倏得其真惝兮悅兮有動於中而直以笑爲寄焉者也約其大旨厥有三端姑坐母躁爲子一言昔者生民之初狉狉蓁蓁木石與居鹿豕爲羣坏飲之風旣革殼蒸之禮旣著野井井以徹法密夫秋荼者蓋更僕難數也於是塵埃爲其增夫綿蕞法密夫秋荼者蓋更僕難數也於是塵埃爲其體魄混沌爲其營魂林林總總或息或奔息則剝肌膚而砭骨奔則骭竿牘以營私橫目旣失其靈而鑿齒乃相與噏之一動一靜一刹一復壺驥電笑刑天鬼哭腸藉陰救舒以憐續帝甯不忍於斯民而生殺固相爲倚伏也上覽

天時或春或秋春膏煦姪秋霜凜劉相時序之代謝固亦  
安之如故痛蕙蘭之不芳憫萌卉之委路欲扶瘁而樹枮  
事亦知其不可紛形聲之沓至蕩耳目以掀簸悲從中來  
淚下如鴻一笑置之乾帖坤妥乃諷詩書乃揖師儒一悼  
其智一憫其愚曾殊稟於黔首而履錯之不逾鶴不可援  
象乃競發苦李後掇甘井先竭麝以香薰象以齒焚溫觴  
既遠沮洳旁分諷子衿於城闕佻達今猶未艾惟馬父之  
深憂不說學之爲害靡疏濬以宣其惡兮固衆穢之所萃  
也楊檻泉之清冽兮猶且危乎其旣也髡譏龍辯孟訕孔  
逐橫議餘波巧辯盈軸彼嬴氏之一炬鴻不懷夫好音餘

搖哇於六代固猶揚其埃塵言與行之背馳兮辭與志其  
異趨紛獨爲此變態兮陳大衛以焉如臚盛衰於今古兮  
摅憤懣其奚舒響天地之震蕩兮縱一笑以忘憂且夫捉  
襟露肘衛光結駟聲出金石名高天地彼顏氏之陋巷樂  
簞瓢以屢空傷仲由之負米廻祿養之遺痛惟養志之有  
道乃孔氏之遺規彼新野之餓卒羞王霸之忸怩斯義迄  
漢其猶未沫兮暨唐室而中衰誦三書於韓子兮變素志  
之堪悲事會固益以邅迴兮悼頽波之莫挽夫孰親養之  
可忘兮孰非義之可踐惟韓子之持道猶足以處夫中世  
寄衡門以浩歌長鬱邑其侘傺彼忠信之恒稟乃不遺於

十室諒美人之多艱情耿耿以何極何皇天既晦此下民  
兮又顛躡於其所遭吾欲爲之一援手焉又惡夫理拙而  
媒勞中夜展轉永言歎息怨爾反顧默焉竟日念吾身之  
靡立曠宇宙以寂寥曾出位之不戒猶遊思以自消夫是  
以盱衡今古獨立彷徨旣自哂其無謂而益增之慷慨者  
也子言雖善於吾意固相逕庭矣雖然亦嘗以子言爲監  
史冀以日救其所未足也于是賓賓先生搔笏而起整衣  
而立曰吾向知子之名而已今乃覩吾子之志矣由斯道  
也阮籍之哭未足喻乎申道孫登之嘯未足寫其幽憂也  
吾儕小人不知深義遷延席端再拜而退

秋林覓句圖賦

蔣醉峯爲王春堂守備作圖春堂有自鑄印曰戎

馬書生辛筠谷前輩屬題

清景初澄詩懷再寫喜林影之蕭疏寄遙情之瀟洒風來  
則班管初停月出而研箋仍把孝廉醉墨圖自良朋戎馬  
書生君真健者夫其僦居薊北謁選春明門多長者之車  
輶室餘古籍之縱橫林邊步屢花下傳觥露莖濯翠霜葉  
酣頰他日短衣從縛此中佳句潛生乘一障而功名待建  
手八叉而聲韻先成蓋卅年前之豪情勝槩也今者吞雲  
夢于胸中其何以賦襄鄧而詠荆衡乎安州之俗喜儒尚

義覽記載于前聞詎今昔之殊致溯授政于誦詩期靖共  
于爾位自兆之禱雨斯誠屯衛之運田斯置懿若人之能  
賢軫民依于所莅屬昨歲之水患民昏墊之堪虞問災黎  
于全楚其非獨目子隅勤區畫于大吏輯哀鴻以待餉惟  
濬導之溝洫與作堤之茭芻易綯曷亟曷有曷無借箸而  
議捧檄而趨君其有紀事之作而惜余之未覘夫操觚也

尊壇面其鼻賦

以題爲韻

昭一代聲名之盛考三千制度之繁惟少儀之所錄徵玉  
藻以同諭燕雖以示其慈惠事不敢弛其恪敦器鄉乎人  
爰尚象而具設君專此酒不下帶而衛存故立于西隅而

命酌升於東鄉而設尊惟尊酌酒惟酒貯壺取受所繫酬  
酢所須宜夫左者執其事而率至主夫右者奉其禮而咸  
超壺之用異方圓而皆配以兩尊之名異角散而皆著以  
觚當司宮之所陳與樂縣而並戒逮小臣之旣納樂酒醴  
以維濡瓦大則用幕夫公尊昭其辨也洗北特西面夫膳  
筐惟其稱夫或使還而獎勞或燕居而賜宴用禁用松大  
夫士之側尊房間戶間鄉飲酒之酌膳其肆于彼之爲東  
爲西固異于此之或取或奠惟占象于需雲乃成禮于恩  
眷式燕以衍禮臣者必盡臣歡允執厥中敬君者必當君  
而第見有文有節允適允宜置器而取象于陰陽者而如

呈能于五事設具而取義于奇偶者鼻亦受氣于四時水  
朝宗而向若心捧日而傾葵人則有禮物詎無知足四古  
而當考口徑尺而無疑法度盛乎禮制惟其若夫掌禮官  
之與司承君命而班賜酒肴旣陳典章宜備工歌旣合樂  
以三終媵爵亦旅酬于爾位敬其君命而手足宜疾宜徐  
重其與司而瞻顧或趨或避臣敢仇禮義忝夫宰夫之作  
主人君則面尊儀別乎楹間之夾尊鼻我  皇上典有  
攸司寵錫殊遇用人皆因其材衆士咸持其素義聲布宣  
遠近欣慕  聖恩樂撫物以忘疲吉人洵鍊精而蹈故  
莘翼贊之丹心敢觀光而獻賦

律呂相生賦 以題爲韻

惟天子建中和之極音樂胥調惟盛世昭功德之成條理咸秩氣分清濁聲有半而聲有全運協陰陽器惟八而音惟七其因神而存乎其所則隨時而驗乎其佚鑄鼓舞之術神廣大清明之象出洋洋夫其盈耳小成以集夫大成纍纍然而貫珠審音固由于審律粵稽夫律也者本黃帝之神靈命伶倫而獨舉啟兩間自然之音和二氣必暢之緒一動一靜互爲其根一陰一陽各歸其所其典樂也有雍雍之節其協律也有渢渢之序求正聲變聲于濁清本上生下生於律呂若夫勾倨循環但用其六十

調以爲準周旋風雨則必以十二律之有常以參以伍矣若五味六和十二食之還相爲質以統以會恍若五色六章十二衣之互相爲彰繫天運于璣衡躡度聿循其次證人功之學業動靜交養其相蓋剛柔相濟故法陰陽之健順于無已大小和鳴故協天地之交泰於有成惟叙惟歌自推遷而修其府事有終有始察治忽以驕夫昇平數以紀之損益每三分而用一宮其遷也上下隔八位以相生我皇上體生物之心達太和之具善剛柔之用而律呂之條理自成得動靜之宜而律呂之引伸中度考往復于陰陽審環周于度數頌九成之篇韶願濡毫而作賦

和容興舞賦以鄉大夫之所詢爲韻

聖天子之講禮作樂也將以勤天地和萬方法五帝追三  
王化五事之用敬彰九德之有常輝光日盛金玉其相樂  
羣雅之輻湊徵盛事于黨庠禮以賓之賢能旣登于天府  
退而詢乃衆庶不遺于厥鄉原夫周禮之書成王所以致  
太平鄉老之職羣吏所由課殿最爾其體正氣平心凝神  
會材或遺于大比之餘詢不出乎五物之外觀于揖讓以  
覘其綏福凝庥徵厥周旋以上其戒驕去泰惟比禮而比  
樂後舉是資以興賢而興能嶽俊乃大當夫衆庶之所詢  
也退則揚而進則抑實若虛而有若無有翼有嚴心常

寧無荒無怠色愈婉愉在醜夷不爭身旣反求諸正鵠由  
順正之義德可馴致夫充符和容令詢固儕于謗讟之士  
主皮絮技金徵夫屹屹之夫容貌斯動舞蹈斯時不剛不  
柔習步射以校武爲步爲伐倣振旅以濟師橐鞬固備于  
左右鞭弭亦具爲馳驅滿月弓櫛見序賓序賢之不忒浮  
雲矢疾見旅進旅退之攸宜或屹如山立或快若風追金  
執形弓旅弓發彼有的爭抽鋸矢茀矢各出其奇志之所  
在功亦從之觀其志正體直樂和禮舉六德旣微九節有  
序鄉老告功司徒設俎六膳新陳主賡式燕之詩三漿是  
酌士霑旣醉之處父老相慶小民得所維我皇上之

御宇也身律丕昭衆音有成文之管國子所肄鄉校皆蹈德之人禮樂繼夫三代陶鈞遍乎八垠敢獻頌曰惟皇建極兮四方來賓人時敬授兮萬國咸親濟濟鏘鏘兮俗美風淳淵淵簡簡兮德教是臻聖朝貴賢兮博采諮詢鳳儀歌舞兮嘉德日新

參天兩地而倚數賦

以題爲韻

聖人畫卦而禮具君子占事以思覃象列三才合天地人而畢貫爻成六畫統初中上以相參積數而求之著衍十八變而求其合觀象而布其策分左右手以互爲探溯八卦之由始綜萬象之機緣其相摩相盪也因而重之則有

六十四卦之辭義其爲兩爲參也分而揲之止此四十九  
策之方圓蓋象以數推圓爲天而方爲地而理由數測兩  
則地而參則天原夫天之爲衡也其度三百六十本無臭  
而無聲其行百八十二非有質而有象考其數而稽諸日  
星之躔察其義而得諸時序之掌理該萬有倚此而不窮  
運會一元推之而彌廣惟陰陽之對待見其神雖由于數  
之奇而造化之流行昭其化必由于數之兩若夫地之爲  
衡也東西爲緯而南北爲經輿地有圓而廣輪有紀二萬  
六千之里亥步能稽八表四極之遠庚由是誌溯坤德之  
承天配乾象于大地由氣化而形化物紀京垓惟數昭而

理昭算積三二數由聖作理豈人爲欲觀其象于卦必求  
其用于蓍箇不外夫陰陽理原昭若算乃寓于奇偶數豈  
紛而揲者無心默識地天之妙布者以手畢該宇宙之宜  
或往或來理歸于渾然至一爲分爲合事殊乎萬有可移  
惟奇偶之相參得陰陽之所起象萬化之周流通一元  
之遠邇推其百世亦須泐乎太清考其五方位可外乎至  
理起二四而成七八不變者不占成九六而根一三不倚  
者曰倚蓋數必由于錯綜之而始成而理可借于能左右  
之曰以也是則由對峙而流行自奇生而耦具參三無已  
見生機於以不撓兩二相成見生理於焉相附中虛中實

上溯乎河洛之原圖，凡圖三下通乎勾股之數。聖天子參兩大以調元柄，四時而成務。精研于旋乾轉坤之神工，心澹于無洞徹夫法地效天之妙用。物安其素，一人作覩羣慚坐，并之觀萬國，抒心咸競拔雲之慕，幸有路之可從，倚無私而獻賦。

試帖

賦得午門受俘

得成字

上將遼

宸算西陲慶洗兵，俘從馳驛獻禮以

御

樓成劍佩千官肅，旌旂七校明

皇門書列鮮，擗鼓樂

迅聲韻利喧唐捷，康居陋漢盟惟

皇彰撻伐與世遵

昇平葱嶺和風扇天山夙夜清

育仁兼正義實合頌

由庚

賦得守邊在得士

邊材非易得戡亂貴深籌士苟廉能著功知指顧收三明招  
悍虜一范憚驕奢堅壁無驚壘先機有伐謀采薇歌待  
夷秋杜賞應酬偃伯

靈臺頌天山併速郵

賦得金錯刀

得金字五言八韻

西域錢刀在交文錯以金星星留暗彩渺渺話遺琛輪廓  
何妨梢縫繩合配綬鋸鋒名借昔圓法制垂今割詎強弱  
鈍工休向削尋鵠膏辭薄蘸荇葉訝輕沈應奉邀恩渥張

衡寫感深寰瀛藏富人貨幣不須箴

賦得唐小鏡

得鏡字五言八韻  
人離悲恨深故留明鏡子持照守貞心

貞心何處託鏡上已辭聽別久難成夢情深故有銘調鉛

拂昔案寫月憎今檻廻照帷應掩偏持手肯停詩傳天寶

代人複子雲亭以彼芙蓉檻悲余翡翠屏鄉雲千里碧臺

草幾番清新咏多悵觸香臺只合屬

賦得蜀中短鋤

得鋤字五言八韻  
紹興余長生得于蜀中桐城江魚之以千錢易

得

杜老長鐫外何人此短鋤不携辛秀手或傍瀼川居物賤  
誰珍此名高倘借渠尋常腰可繫造次草應除苗剗黃精

煙橫赤甲餘披雲三徑出握手一彎如觀艾還名錚興  
木利鉏倪寬經可帶吾欲事經畬

賦得心遊萬仞

得遊字

省識文心妙澄觀慮自周五丁同鑿險萬仞擬絕幽裊裊  
憑虛造森森與日謀二分垂趾處九點落煙頭老鶴盤遙  
岫霜鷹刷遠秋颺空追驟耳奔日逐驛驛元覽天機發精  
思物態收好將雲錦假持向廣寒遊

賦得衡在瓦甓

得存字

欲識希夷箇應知卽目存陶鈞能範物瓦甓可忘言俯看  
苔錢染高憑月浪翻毀方誠有戒畫墁敢同論疊處炊煙

壘拋時鳥雀喧馬犀垂壁帶斷碣掩頽垣鎔土初成質停  
雲詎有痕蒙莊多妙諦一爲探根原

賦得亥旣珠

得珠字

夏后元圭錫羣神効走趨翠華宴河伯瑞寶獻行厨光乍  
焜于月音還出自珠雲璈諧玉管湘瑟壓齊竽終始三成  
奏周旋六律俱澄輝初朗徹逸響共恬愉樂稱賓筵合名  
徵水德符鄉媛紀遺事誰繪集靈圖

賦得匠石運斤

得斤字

匠石稱殊巧能揮堊鼻斤運時方共眩漫處已全分妙析  
微茫質竈傷粉繪文月明三折浪風卸一層雲熟技從無

敵神鏘迥不羣入虛心自敏完樸念原殷真訝天工奪空  
憐拙手勤蒙莊推至理一爲紀前聞

賦得芰荷翻雨滌鴛鴦

得翻字

碧沼酣香夢鴛鴦護藕根光搖波影動涼送雨聲喧乍覺  
紅衣濕從知翠蓋翻鴻珠剛弄彩舒錦不凝暄露網層霄  
幕瓊奩五色昏阿誰舉水佩應與泛瑤樽寶唾真留量仙  
裳欲印痕湘簾斜放處樓上幾消魂

賦得孤艇接殘春

得殘字

極望水天寒扁舟泛夜闌斗廻杓乍轉春到歲方殘書劍  
橫孤影乾坤漫兩丸<sup>羈</sup>懷隨暮節帆勢入雲端綵勝誰家

颺檣鳥盡日看恰欣生意透未訝客衣單梅蕊初微坼  
霜影乍乾星源逢太乙好與拜仙官

賦得蜻蜓立釣絲

得絲字

碧沼明如鏡澄澄漾釣絲一痕榮薄霧百尺照文漪乍覺  
蜻蜓倦遙憐蝶隨溶溶秋萬頃裊裊立多時點水剛斜  
掠和烟忽暗垂檻前魂欲化樹底眼偷窺月淡疑無影波  
涼計浸肌沈竿休便起輕向岸旁移

賦得古硯微凹聚墨多

得多字

古硯能留墨微凹聚處多沾毫頻許蘸點露不煩磨鸕眼  
明春黛龍寶漾碧波嵌空雲一朶貼鏡鋤雙蛾石骨何年

斷松煙此日和陶泓傳自久

桑鍊憑誰鑄元

亭許爾過若逢書詔手珍重上鑾坡

賦得花與思俱新得新字

搦管沈吟日迎風旖旎辰心花看欲似芳思畫難真爛漫  
含朝露清芬掃宿塵芙蓉初出水池草暗生春合與江郎  
寫應俱畫錦陳文成披閱處摹景一何新

賦得始見香爐峯得廬字

適稱登臨志扁舟泊岸初峯巒逼指顧面目認匡廬雲訝  
烟痕繞鑪看日照餘果然名勝地到此夙懷撫刻畫宜鳥  
有雕鐫仗子虛空懷塵外想憶讀遠公書始見千尋秀邊

凝一夢蘧山人詩興逸應擬賦相如

賦得芍藥當階

得春字

嫣紅輝一色芍藥正鮮新得氣無嫌暮當階好殿春豈曾  
酣卯酒如欲媚芳辰鹿韭知同友芙蓉未可珍迎風翻玉  
砌傾露濕香塵不借朝霞映應凝火齊陳時飄承柳絮相  
傍有文茵宏敞開深殿堪爲擣笏臣

賦得大苞羣生

得生字

潤物功原鉅無私量亦宏神機看浩浩大德欲生生得一  
資乾體苞羣合地行魚龍深窟宅草木藉敷榮萬里均沾  
澤千秋利不爭至柔含至健無迹自無名誰任盈虧數難

爲邱壑情允哉文字語與水共爲京

詞

踏莎行

富春以上縛夫由此岸轉彼岸者登舟剪江而過戲填一闋

百丈遙牽西嶼漸陡踏波欲向平沙走艤聲啞軋起中流  
下船共引東岸手

笠影晴朝灘聲雨晝詩情意連隄柳航樓晚飯有招呼  
鬻船指點飛蓬首

兩同心

九月十四夜闌中夢靜娟

樸素衣裳行步安詳隨大婦故鄉清晝澹相對曲檻廻廊

安排處石錐筠籠事事家常

自從歸著朝行別構雲房悔絳樹銀屏雙貯只貯得怨蝶  
待按取鉤枉永絃怎不思量

清平樂

煦齋師薦菊花圖

香清影潔照過中秋月更約菊花盟晚節來與早梅同列  
得佳亭畔吟成畫情交付門生玉雪一般爲骨祇將依  
舊調羹

沁園春

募修謝文節祠用文文山至元間留燕山作詞韻  
抗節人遙古寺新祠金峙何妨歎僦居儒服捨身佛法不

逢高足誰識忠腸初欲建祠于憫忠寺內爲寺僧所阻乃購民地建斯祠詳見秋農尚書祠記

柴市前頭文山廟貌俎豆今年亦薦香文文山祠亦于今年拓修竣功

驕侶似延平龍劍彩壓純鉗補牢莫歎羊亡看義舉終

歸翰墨塲喜閒區十笏昨成書荊名花幾種來送春芳嵌

壁豐碑表公夙志擬結精廬趁歲陽近得祠旁隙地一畝許築工伊始馳

書去料畦蘭蕙肯與商量

東風第一枝

寄懷鄧子久

貼妥才情溫醇氣象年華正是初日曉來不倦臨池宵分  
向勤散帙真佳子弟憶少小分將梨栗是而翁茶罷吟餘

窗畔喚人檠出

旋聽說謝郎袞屐旋見取鹿鳴角酒  
江待空櫂厨酒子久窩中料庭肆

待簪彩筆陳蕃榻掃下榻處盼誇佳字

吾齊前杜丹甚盛

非閒時應賦雜香標格

吾齊前杜丹甚盛

調笑令

感懷

霜重霜重萬一故人通夢褰帷燭暗空房鏡裏星星髮霜  
鬢霜鬢心字香燒一寸

十六字令

聽月沒流雲兩暗星挑鎧話無復影娉婷

苦雨有憶

難尋舊夢難拋舊恨雨絲如織愁痕懸溜才停碎珠仍漾

情差似此更番

皮日休詩五更看月是情差朱竹垞詞堪憐此日騎省寫哀思不信絕爲情差波

量欲侵門記个儂扶病同話黃昏伏暑重經只憐無計覓

秋魂

丁沽幾日歸船有離心似水送汝江村緣了今生

人非舊雨牽蘿情事誰論牕外濕雲屯帳墻前印屐永斷

廻鶯蝶淚光中仰看屋漏有痕存

好事近

夢有人謂余書爲七分書者覺而不知所謂戲填此以求同人一笑

楷法糊分書自笑此生無分誰與臨池獎借到秋蛇春蚓

作人若與較高低一種覺才鈍敢便向溫公比只二分

猶遜

程子謂溫公

感皇恩

隋芬少農拜

紫禁

城騎馬之恩命

是九分人

此箭咽銅壺天街星曉待漏何人策驥裏顧雍清望君  
儒臣恩早饒文傳藝苑似坡老東坡謝賜對衣金帶馬  
狀最工君文殊似之鴻施逾分駕姿服皂君謂表中詔向我殷勤語懷抱識途師智不

比馳驅年少遠猶君努力勝應造一作有

辰告

玲瓏玉

早起喜雪  
東顧兼碧

移徑鋪瓊更空際影影飛花枝頭錯落曉光全著銀芽怪  
底玻璃結暈隔模糊窗景難認朝霞朝霞漸天邊推上雲  
車料得豐穰有兆恰三番迎臘今年三見雪來歲堪誇昨夜  
圍爐問淺斟低唱誰家遙知袁安高卧可記取朝天  
有客正控文騫謂君家少農撥灰候笑陰何應許手叉

真珠簾

杜石樵少宰同年畫西湖詩意于箋  
見贈金題詩問賞牡丹約賦一闋

問花心事消寒夢寫江天一棹錢唐初送曾否訪西溪認  
挂枝么鳳觸我紅羅亭畔感空說有鼠姑矜寵清供羨香  
雨繽紛佛雲君擁惆悵小築林霏聽年年燕子春來間  
嘵已過了花期欠酒懷豪縱情客有情緣未結難與話聘  
梅情重今年海棠開未盛低諷倘句續林逋聖湖春動

滿庭芳

送魯服齋觀音

北旆宜留南轍且駐綠肥紅瘦天涯裁滿翦艾商畧醉招  
花一笑吾能投轄只魯酒持勸君家三蕉葉知君痔病大  
戶不矜誇君近止酒悠悠分宦轍相看霜鬢共惜年華儘風

情猶在珠斛溪紗歸去玫瑰低詰籌香夜底感匏瓜隨緣  
好鶯遷燕喜會與報秋槎

渡江雲

送吳機  
梁翹管

湘帆開九曲繡衣直指問俗一褰帷才鋒歐冶鍊驗取十  
年聲譽出金闕敷陳中竚昨領受天語形墀匡濟懷

蕙纕蘭佩潤色到新詩旌旗頻年使節玉尺頻攜記雲  
卿瑞子題詠外唐宮舊趾蜀相新祠知人論世深情在請

從祀章奏羣推聽輿誦宣公莫負心期

百字令

從熙齋師齋中摹得宋嘉  
祐年間壽星像填一闋

玉津園外倚千條綺陌市蜃鱗次酒客何來形狀怪鯨吸

老饕遊戲異事傳聞玉壘宣見飲啖良如是司天臺奏壽星見紫微位此是嘉祐年間傳來畫稿今日歸中秘退直臨摹東閣畔丞相喜譚文蓀玉軸裝餘錦函開處著錄門生事飄蕭白髮爲拈湘管成記

百字令

春湖少空周甲初度賓谷前輩遷全盧容莽大僕吳蘭雪舍人偕余及余從孫孚思集尺五莊置酒余更乞黃毅原

作書填百字令一闋介壽

綠陰初靜掠水雲深處一樽相餉草曲池亭聊寄眼安得拓園詩舫拓園少空學西寓園名有池有舫尊者南豐邀將季重更與盧敖抗賓谷前輩於寒山拾得共話雲倚花傍早信恬澹襟期待登周甲履曳星辰上十載萊衣留戀久老了黑頭

卿相主客題襟粉榆結社壓倒旗亭唱烟霞緣分恰逢佳

客來訪

滿江紅

追悼小雲別  
駕却寄吳門

黃鶴樓頭風吹去吾宗小阮渾不料魚鹽漣跡吟魂不返  
溟海官辭毛義檄蘇臺夢斷曾元饌更衰親買棹漢江來

悲含飯懸河口生花管才誰敵命何短

乙酉春小雲招遊法源寺看海

棠昔題詩卷

余昔題小雲春藻集有韓范功名雲路縱難班馬筆知君不僅是詩人之句

登上駟霜蹊豈意摧長坂歎從今穆氏說醞酌人今罕

一萼紅

喜晤潘紅襟同年  
卽送其旋粵西

賞花時問黃花開未舊雨話襟期雕玉才華綻金消息中

秋月到東籬縱諧謳觥船一棹喜聯轡豪飲興淋漓比似  
杭州酒痕堪念離緒如斯更喜昔年張緒尚鬢鬟春影

不上霜絲銅柱功名烏臺氣節狡童蠻女能知廬阜畔甘  
棠幾樹有部民重與誦前詩吟取魏公晚節聽頌蘭錡

謝池春慢

題謝向亭遺照是甲戌年同分校禮闈後屬華君冠所作行看子也

池塘夢草交誼豈殊昆季彩筆罷干霄禁苑辭聯騎零落  
金筌句茫昧玉樓記我年衰君齒未浮生如夢愴絕人間  
世吉厓華老曾乞與傅神技一幅長收護十載成交替  
乍展吟秋影陡入傷春淚石涵青桐浥翠清揚

其詭譏

鵝書意